

PRESS – PRINT

| | | | |
|--------------------|---|--------------------|-----------------|
| Publication | Kosmo | Day/Date | Tue, 7 May 2024 |
| Section | Negara | Page No(s). | 5 |
| Circulation | 80,000 | Frequency | Daily |
| Headline | Manfaat teknologi baharu hadapi ancaman | | |

Manfaat teknologi baharu hadapi ancaman

KUALA LUMPUR – Semua pihak disaran untuk meningkatkan diplomasi pertahanan dengan memanfaatkan teknologi baharu yang disediakan dalam industri pertahanan.

Menteri Pertahanan, Datuk Seri Mohamed Khaled Nordin berkata, usaha dan sumber baharu adalah sangat diperlukan ketika ini bagi memastikan risiko keselamatan dapat ditangani.

Namun katanya, usaha tersebut memerlukan kerjasama antara agensi dan rangkaian transnasional bagi mempelajari semula dan memahami peperangan serta ancaman keselamatan.

“Hala tuju ketika ini adalah mempercepatkan penyelesaian pertahanan yang berkesan seiring penerimaan teknologi. Ia akhirnya dapat memajukan kepentingan keselamatan bersama dan mengukuhkan keupayaan pertahanan.

“Teknologi baharu yang me-



DELIGASI dan tetamu teruja melihat aset pertahanan dari Turkiye sempena Pameran DSA 2024 dan NATSEC ASIA 2024 di di MITEC, Kuala Lumpur semalam.

nawarkan penyelesaian praktikal harus menjadi pusat kepada hubungan diplomatik dan rundingan perkongsian antarabangsa,” katanya.

Beliau berkata demikian ketika berucap pada Forum Putrajaya 2024 sempena Pameran Perkhidmatan Pertahanan Asia (DSA) dan Pameran Keselama-

tan Kebangsaan Asia (NATSEC ASIA) 2024 di Pusat Dagangan dan Pameran Antarabangsa (MITEC), di sini semalam.

Forum Putrajaya 2024 dengan tema ‘Non-Traditional Threat and Emerging Technologies’ adalah platform persidangan berskala antarabangsa yang dilaksanakan bagi menghimpunkan komuniti penggubal dasar, badan pemikir dan agensi pertahanan serta keselamatan serantau dan antarabangsa.

Persidangan itu menterjemahkan fokus menerusi pendekatan secara sesi dialog dan perbincangan terbuka yang membina antara peserta memabitkan ideologi perkongsian pengetahuan.

DSA dan NATSEC ASIA 2024 itu juga diadakan bagi mengenal pasti keutamaan bersama, meneroka penyelesaian inovatif dan mengukuhkan perkongsian untuk keamanan serta kemakmuran serantau dan antarabangsa yang mampan.